



Mikael Arri zabalago  
(Donostia-Eibar, 1957)

Egurkaria, Berria eta Gara egunkarietan, Pyrenaiak, Euskal Herria eta Nara aldizkarietan eta Euskadi Irratian mendianekin zerikusia duen makinabat artikulatu eta kolaborazio egindua. Euskal Herriko mendietan ez ezik, Pirinioak, Alpeak, Atala eta Himalaia-ko mendi-tan ibilida.

# MENDITXIKI - GIPUZKOA

## PAGOETAKO TONTORRAK

Pagoetako Parke Naturalak Herrioko mazizoa integratzen den beste mazizo txiki bat osatzen du. Gaurko ibilaldi honetan, Aia herrietik abiatuz mazizoa osatzen duten lau mendi garaienak igoko ditugu (Pagoetako gurutzea, Urruztume ko punta, Murugil eta Olarteta). Itzulera, berriz, Herriko Txiki izenez ezagutzen den inguruneetik egingo dugu, gurutze-bide berezia bisitatu eta bertatik igarotzen diren PR-Gi 4001aren eta GR-35aren bide-seinaleek erakutsiko diguten norabidean.

Pagoetako gurutzearen heldua

Aiako aparkalekuan utziko dugu kotxea eta elizaren ondotik igaro eta gero, errepedera aterako gara. Bertatik metro batzuk bete ondoren, Pagoetara zuzentzen den porlanezko pista hartuko dugu. Hirurehun bat metro bertatik egin eta eskuinetik ateratzen den bidea hartuko dugu. PR-Gi 4002 bide balizatuaren seinale zuri eta horiak lagun, aurrera egin eta laster Aia herria gure mendean ikusiko dugu.

Altuera hartzen dugun heinean, iparraldera begiratu eta kostaren ikuspegi ederraz gozatzeko aukera izango dugu. Ataka bat pasa eta basoan murgilduko gara, ireki berri duten pista zabal batean zehar aurrera egingez. Mendebalderantz zuzentzen den pistaetik, tontoretatik gertu dagoen gurutze-bidera igoko gara eta metro batzuk aurrera egin eta Pagoetako gurutzearen ondora helduko gara.

**Iparraldera begiratu eta kostaren ikuspegi ederraz gozatzeko aukera izango dugu**

Tontor txikiekin inguratutik, goi lautada txiki bat osatzen duten belardi zabal eta berdeek leku berezi eta ederra marrazten dute. Euskal kostaldean dagoen mendi garaien etako bat da eta arrantzaileek erreferentzia modura erabili ohi zuten.





Muruglako tontorrean

Gurutzetik gertu, hegazti baten esku iturra dagoen lekura jaitsiko gara eta bertatik kostaren ikuspegi zabala izango dugu. Urruztumeko aterpera jaitsi eta segidan, aldapa txiki bat igo eta Urruztumeko puntara iritsiko gara, erpin geodesikoaren ondora. Izarraitzeko mendigunearen panoramika ederra. Argazki pare bat atera eta hego ekialderantz jaisten hasiko gara



lepo zabal batera helduz. Ataka txiki bat igaro eta igoera txiki baten ostean, Murugileko tontorrera iritsiko gara belarrezko aldapan gora egin eta gero. Gailurrean buzoia eta inguruan tumulu pare bat topatuko ditugu.

### Talaia paregabe honetatik Aiako haranaren panoramika zabala izango dugu

Gertu dugun pinudi aldera joko dugu segidan eta beherantz zuzentzen den bidezidorretik segituz, aurretik aurre ikusiko dugun Olarretako tontor aldera abiatuko gara. Talaia paregabe honetatik Aiako haranaren panoramika zabala izango dugu. Hau izango

da azken tontorra, baina oraindik ezagutzea merezi duen toki bat bisitatuko dugu, Herriko Txikiako gurutze-bidea hain zuzen ere.

Bertara joateko, garo artean lepora jaitsiko gara bide balizatuarekin bat egin arte. GR-35aren margo zurigomiek eta PR-Gi 400lari dagozkion zuri eta horiek erakutsiko diguten norabidean, gurutze-bide ikusgarria jaitsiko gara berehala. Aiara itzultzeko hamalau gurutzeei bizkarra eman eta balizatuak bideetik jaisten hasiko gara segidan pinudi batean murgilduz. Xenda estu batetik aurrera egingo dugu eta pinudia atzean laga eta gero, alantrezko hesiaren paraleloan doan bidezidor erosotik gorako bidean topatuko dugun lehen bidegurutzearaino helduko gara. Hemendik herrira, porlanezko bidea segitu eta berehala izango gara abiapuntuan.